

摘藻堂四庫全書薈要

集部

欽定四庫全書薈要

集部
御選明詩卷三十五

詳校官原任主事臣李斯咏

欽定四庫全書薈要卷一萬八千五百二十五

集部

御選明詩卷二十五

五言古詩十

王韋

懷師文

幽薊多北風塵埃旦暮起嚴冬十二月積雪亘千里落
落高樹摧靡靡勁草死中夜獨彷徨念我同懷子遙遙
涉玄冰單車渡易水歲暮人閉關何為遠遊此



鄭善夫

黃山雜詩

黃山如岱嶽蘿山若梁甫曾顛過行雲光光自太古咸
池蕩初景昧旦河已曙我夢天都行笑折扶桑樹

發越州

生無冠組分碌碌守逆遭越南十二月盡室復遠遷故
國眇天末扁舟薄言旋閩中地氣暖可免絲與緜舊業
雖荒蕪尚有一頃田他鄉困寒飢胡為重留連且聞江

海熟已不憂荒年此州固信美旅寓豈其然盤餐未易
遘薪水亦費錢雖得山水翫顧非貧士便素癖厭人事
況乃居市廛毅然舍此去飄飄御風煙夜泊桐江雲朝
登富春山行復經武夷高招控鶴仙沆瀣亦可飽安能
逐鵝鷺跼跼禹跡裏衷情向誰宣

左國璣

郭桐岡樓宴集

華圃倚崇墉飛觀凌白日招尋偶同遊登陟遂閒逸逍

遙覽芳蒨結構轉幽密
亭深碧篠茂荷挺丹泉溢
虛曠周遠阡畝堯促危
膝迴飈灑窗牖明詠散
縹帙慕往歎睽離俯來
繼前迷憂傷感蜉蝣局
促悲蟋蟀勿為逝波歎
且共賞瑤瑟

孫一元

紫陽山中徐步

窮壑卧孤松寒風生杖屨
幽人獨往來鳥嘒自成句
因山贖得秋欣然有餘趣
片雨弄江光孤雲起江樹
望中

水似天嘯坐漁舟去

訪樵者

遠尋山中樵不識
山中路隔林伐木聲遙憶林深處不
晤竟空歸日墮西陵樹

秋夜同紫峽逸士雪江老僧輩十人宿南屏山
中誦逋仙夕寒山翠重秋淨鳥行高分韻賦詩
余得夕字

荒煙散不收殘山帶遙碧
林鴉晚依依草雉時喈喈斜

光明不定居人掩荆柵
竭來喜盡簪林下語幽
蹟匡屋燈火青野鼈旋
新摘豈無伏虎禪亦有
飛鳬客愛此小崑丘人
世白雲隔願當抱奇幽
炯言永終夕

贈別王與時方伯

海中三花樹石上五粒松
與子今有約相候尋其蹤
褰衣白雲杪時戲蒼精龍
手把古苔篇還訪崑崙峰
峰頂巖玄露長令有好客
回首謝塵世莫教生秋蓬

種松

種松滿崑丘眼中生蒼鱗松根化為石松葉不受塵中
有結廬者長年事隱淪入雲荷長鑱斲苓青澗濱木食
有奇志乃與天為鄰放歌白雲裏去去空山春

江上送殷適夫奉母東歸

春色滿汀洲沙晴鷗鷺遊故人別我去回首江之陬半
月屆水宿挂颿風力柔芳蘅弄遙碧間雲淡不收遠見
蒜山月晚泊瓊花洲推蓬慈顏喜得魚沙市頭人生會
有別歡聚不知憂平明望齊魯乘流發棹謳

我愛陶弘景

我愛陶弘景不受萬乘束挂冠事棲遯歸來卧空谷青
山讀玉書白鶴下高木乃知怡悅心長日雲相逐

張人

張子湖海士弱齡自崛起讀書法前修隱棲茅茨底曠
哉山水情鷗冠烏皮几巖花落始紅石耳翠還紫觸物
發幽響清詩有妙理遠慮累可輕遺榮心自喜緬邈山
中遊百世懷杖履

夢遊黃山吟

朝看黃山圖暮夢黃山行
手捫天都月一笑雲煙橫
丈人蒼如霜采秀欣相迎
酌我以石髓遺我以瓊英
冷然跨黃鵠更欲遊空明
羣峯忽不見一舉還自驚
覺來發長歎半窗松雨鳴

江上餞別友人

晨起促征裝薄言駕舟楫
送子赴修河不忍與子別
蘭莒會摧殘蒿蔓不堪結
悽悽情未宣惻惻心欲折

心折憑洲渚玄雲構重陰慷慨撫時序況此離別襟嘈
嘈佇繁吹戚戚理哀琴暫延林莽間睠此情彌深
念深重離筵含酸聽我歌天寒冰漸結君徂當奈何窮
獸不出藪倦鳥豈離柯期子早歸來歲宴守山阿

田舍早春作

今辰初解凍遠望田苗稀日出會羣情鳥雀相喧飛村
婦荷鋤至隔舍煙火微阿童三尺箠驅羊散柴扉風來
廣郊陌春事正依依

侶魚

清池耀明鏡，綠萍淨相依。
水面散寒花，樹底風生微。
主人時夕來，釋杖坐苔磯。
叢石圍小島，游魚吹浪飛。
眼中銀潑刺，鱗光亂斜暉。
物我澹無言，相對兩忘機。
余亦觀化者，願與子同歸。

魚大尹世榮饋江魚

平生味道腴，藜苳心自足。
邑侯念此意，遠饋春江玉。
驚犬吠成羣，打門走健僕。
雪花初出水，鷺刀破銀腹。
風味

極不常更倒牀頭醪隔坐目力窮到手杯盤速麤糲得
解圍吟聲打花竹

王崇慶

感何仲默過訪

城南有遷客舍館鄰都郊畫角隱高閣蒼鷹俯孤巢白
坡有佳人海內鮮比交所以傾蓋情古人謂投膠

唐龍

送李拱元歸田

春月白如雪春山青如銅楊柳未堪折歸客何怱怱三
徑命中車五湖漾孤篷從茲謝塵鞅陶然隱者風廣結
桑麻交遠尋麋鹿蹤洪淵縱文魴遙漢矯冥鴻嗤彼風
塵子胡乃長書空

周金

琴泉詩

谷口有鳴泉匣中有素琴鼓之互相盪和為太古音松
風生輕濤流月照前林美人洞物理三歎輕華簪質任

謝鷺凡詠賞發塵襟高山與流水所以足吾心

王應鵬

和淵明雜詩

神京四千里遙途今已逼楊柳何蕭蕭秋風吹長陌雲
深塞草黃露重秋江白仰視天宇寬俯覺微軀窄對景
斯悵神當秋頻作客忽憶四明山山中有舊宅

韓邦靖

晚坐

遙峰羅夕日高原藹秋陰天風自何來吹我芳樹林寒
蟬發哀調蟋蟀嗣其音歲月日以暮霜露日以深相思
不自遣無乃勞君心持君一杯酒聊以開鬱沈

戴冠

思歸

回首青山白極目黃河黑煙水自迷茫雲峰空劣崩遊
子何日歸羈此燕山北孤燈五夜風陋戶千年月道路
阻且長夢魂忘楚越秋雁去還來歲歲他鄉客

曉發

村雞啼喔喔取火照行李
隔籬謝主人出門渡溪水
豈不愛山林那復入城市
仰觀羅浮嶺白雲猶未起

胡纘宗

與李濟之夜酌

露下秋雲高開簾月滿
戶明星度城隅瑤華落
江潁侍兒擊筑歌壯士
拔劍舞相對平生親終
夜忘賓主

東園小集

攜鶴過晴園風閒日初午開尊對遠山流霞忽在戶黃
鳥復闕闕芳草亦腴腴坐有同心人俯仰向今古

丁奉

擬古

白日墜西山明朝出東海天地無終期萬物豈能待繁
花重露零高岸深谷匪昨見朱顏酡今看霜鬢改汎舟
登蓬瀛蓬瀛果誰逮

徐愛

紀遊

辟磴臨絕壑兼乘欲疲馬屢盤羊腸出還驚虎領下逼
險悔初進稍縱覲復假如何窮探心阻困每未舍無端
覓憂虞中止固由我回思競利人何殊履危者

田惟祐

龍游至衢州

龍游接衢州景不殊蘭溪山少灘瀨多沙石成長隄溪
流時衝決兩岸無平蹊湍急舟行速水淺石可攜野曠

少人煙地瘠艱鉏犁泊舟無村市遇夜隨停棲幸無狂
客驚惟聞山鳥啼船定水汨汨蓬疎風淒淒寤寐夢不
成候曉無鳴雞惆悵盼家山遙遙望中迷

楊慎

西征夜

寒重旅衾單嘿對燈花謝亂山荒壘間獨客孤眠夜寂
寞與誰同尋思似夢中勞勞無止極去去忘西東故鄉
孟冬別有約仲冬返人願天不從長征日以遠異縣多

相知樽酒話心期
含悲不能語
淚為生別滋

玉臺體

流盼轉相憐
含羞不肯前
綠珠吹笛夜
碧玉破瓜年
滅燭難藏影
洞房明月懸

調絲曲房下
援鏡綺窗西
妝罷金星出
歌殘璧月低
留歡夜未足
恨殺汝南雞

紉甲麗人

銀甲卸彈箏
花從玉指生
逡巡捲羅袖
掩抑捧金觥
莫

摘相思子瓊枝最有情

行旅

行旅苦日短勞人知路遙忽忽歲云暮客心中搖搖曠
野積寒氣四望但寂寥嚴霜下豐草朔風鳴枯條浮雲
起為蓋堅冰結為橋白日隱餘照玄雲晦層霄鳴轂無
停輪嘶馬不解鑣飛鳥夕知還征塗何迢迢無以慰苦
辛興言自成謠

送徐用先歸嘉州

客有歸歟歎言從隱者流高議在青瑣吾道付滄洲
滄洲多故人夙昔諧幽賞嘯歌丹崖邊攜手紫霞上璧津
春水生波浪動江城岷嶺秋芳落清音滿蘭若亦知江
湖憂不廢登臨樂迢迢結桂枝望望阻相思殷勤三歲
字惆悵四愁詩伊予慕儔侶睽離分晤語何時峨眉雲
來作人間雨

六里菁

六里菁何深千章樹如薺俯聽秋蟬鳴翻在幽澗底澗

水何湔湔谷蘭香靡靡不見采芳人誰為枕流子日暮
心悠哉臨風聊徙倚

張璧

尹異峯遣祀衡山得配字

天王御宸位相國熙帝載維時肇初元秩禮肆禋類皇
皇遣近臣肅肅將遠賚顧茲南嶽鎮而與朱鳥配星分
當翼軫地望等恒岱坤維得艮止后土資負載祝融正
盤紆靈爽豈茫昧異峯天下士祇命壖壤內晨裝發潞

河夕舸達江匪犧宰設福衡虞人翦荒穢再宿整襟冠
三薰潔醇醑樂張洞庭野紉憶蘭芷佩探歷道彌廣登
覽神愈倍禮成眷桑梓敬止重風檠秋徂命倌人星言
理征駟於皇念啟沃遲子日展對悽惻懷修塗音塵慰
寮寮

費寮

遊南巖寺和崆峒韻

懸崖拔地迴空洞得塵罕路縈磴石細池逗寒泉滿斜

日半山明微風落花緩客來僧未歸苔痕鹿蹄踐

孫承恩

經孟浩然故里

孟六亦高人神思乃清朗讀書陋拘牽制行喜疎曠賦
詩妙天趣力索不可仿冲融大雅音金石振遺響禁中
遇天子召對心所向終焉意不合歸哉南山放唐詩盛
千古公也李杜行布衣一時窮高譽後人仰我來經故
里慨矣勞緬想鹿門當時月依依漢江上

齊之鸞

稠桑道中望黃河

桃林蟠土山谷入昧所出地底無傍風天際有中日仰
視畊獲人轉折忽相失仄登蟻緣枝幽盤蠹閉帙僕夫
虞殞傷反汗更股栗伊予慕昔賢馭吏屢遭叱徑盡躡
河壩黃流過箭疾踰關勢彌雄四畱奔馬逸不知真宰
意何貴砥柱室汜濫民其魚豈止桑田溢三門中古開
神禹功誰匹至今沮洳場盡作秔稻窟吾生髮半蒼世

路十不一及茲瞻華嵩眼豁心神秩向來險遠虞茲晨
憂已釋

寧州曉發

燈火啟嚴城戴星行未已夜來下絕坂左右崇墉倚昏
黑迷前旌時顧斗杓指晨雞登頓初險澀曙光紫林原
行山巔溪壑行地裏坡陀首乾龍浮立土不滓所以穴
居民患燥不患水改邑視井泉卑棲固其理耕者百仞
上汲者千尋底下山阻深溝上山據高壘四鄰守無虞

塞馬徒為駛民貧獨可憂咸秦此脣齒

毛憲

題扇

雲山擁前溪竹樹傍厓石晴風駕扁舟興到任所適水
色與天光上下涵一碧習靜久忘機魚鳥亦馴格誰知
至樂心物類固無隔

周廷用

閒詠

寂寂抱空虛暇日阻游豫散帙藹餘清汎瑟銷遺慮纖
榮吐芳辰弱華裒清曙丹葩曜春曦白楊號日暮層空
脊歸雲修岑暖行霧引領洞庭涯徘徊不能去借問此
何為嬰以世網故柱下徒棲棲功業末由樹悵哉攬轡
途漠爾埋輪路休澣循予躬且誦閒居賦

池上晚坐

皎鏡淨方塘月波涵一碧潋灩照修篁風聲鳴瑟瑟愛
此澹忘歸呼童卷絢帙清籟動我衣微露潤我幘繁星

燦以羅羣鷺久復寂冲曠得所怡稅駕將何適

徐咸

井南社飲得影字

層樓俯青林芳筵接高迴衆賓來逶迤被服野而整時
維沍寒候風日不作冷江梅泄春香鳴禽戀餘景時物
適我懷忘却酒力猛飄風吹人衣素髮颯垂領浩歌入
城闌海鶴振孤影

常倫

望山有懷故居

羈步局重城流觀狹四野高高見西山鄉愁冀傾寫天際望不極延佇一瀟灑落葉歸故根山雲滿楸櫟無情尚有適何以慰離者

頓銳

臯湖秋晚

木落天宇清草枯風力勁平湖著微霜摧此萬荷柄蓐收寢無權玄冥欲司政遠山寒更翠積水曠而靚湘娥

理晨妝髻髮墮明鏡輕飈漾淪連碧綠交掩映水鳥各
沈浮游泳自其性安得金石膏瘡我山水病

觀鬪蟋蟀

蟋蟀著幽風泉壤恒食息迎陰已振羽欲鳴先鼓翼候
氣感化機吟秋率其職於世無所爭豈有剛膂力都緣
助人意自負萬夫特見敵豎兩股怒鬚如卓棘昂藏忿
塞胸彭亨氣填臆將搏必踞蹲思奮肆陵逼既却還直
前已困未甘踣雄心期決勝壯志冀必克依稀觸與蠻

蝸角並開國人生亦類斯駒隙競失得知雄守其雌老
氏有淵識

陸倕

酬劉子古鏡

古鏡不自惜遙緘千里音懸懸照肝膽奚啻雙南金負
質凝精光螭盤古銘深明月入我懷聊復理吾簪與君
別幾時鬢髮雪已侵冉冉悲年暮悠悠空陸沈願言保
不缺報君久要心

李灝

沔陽秩滿北上漢水舟中感舊書懷却寄沔郡
諸寮友

我本山海姿躬畊嵩少陽八歲學籀篆十歲急就章孺
小不知難欲升鍾索堂波磔竟無成臨池心內傷十五
慕神仙翹首蓬壺鄉丹爐伏龍虎金書授琳琅虛擬九
轉熟白日雲霄翔異人不我遇徒懷三花香十八學擊
劍雄雌帶風霜芙蓉起並舞白日無晶光世方泰階平

屠龍誰薦揚夜夜雙紫氣空射斗牛旁二十為時文讀
書梁王臺花迎書院發河繞石梁迴憶昔杜高李曾此
弄金壘辟間舊題剝千年我復來長歌海月落搖筆秋
雲開三冬碧巖宿岑寂良可哀郡吏捧檄至鄉闈羅髦
才揚睂下臺去敝袍挾風雷濫冠羣英選北上黃金階
春官埽南宮侍臣下三台鳴鐘放玉勝曲江浪徘徊自
揣疎蹇甚敢廁金閨遊春風辭漢殿虎竹分南州南州
古魚復水石清且幽蒼山抱境轉碧水環城流鳬鷗狎

几席漁火明亭樓地偏罕逢迎訟簡多夷猶昨構仕學
軒虛窗俯雲洲前植兩奇松後栽幾紅榴雙鶴如我友
飛鳴意相求軒中列圖史芸架牙籤稠夕陽吏人散官
然似林丘垂簾夜獨寢花氣侵衾裯慚無紫霞分欣有
白雲謳濟濟沔諸生時時到廳事我非草玄翁汝奚問
奇字朱絃振大雅絳帷演易義綠鬟兩蠻奴焚香知客
至禽鳥作喜聲主人有佳思五月荷花舒錦綺張南湖
二三美寮友邀我聊歡娛雙旌出郡府五馬嘶江郭行

廚逐飛蓋翩翩登畫臚簫鼓放中流風流傾上都攀花
照綠水恍在水玉壺酒酣揮彩毫意氣吞荆巫雖為風
塵宰頗類煙霞徒百姓誤懷惠四郊賊盜無所嗟鴻水
虐田疇生鼈魚矯制屢發倉蒙恩兩蠲租呻吟變謳頌
盡道今有襦化俗景文翁卧閣懷汲公絃歌徧井巷而
回鄒魯風三年郡秩滿比奏明光宮留滯感歲年書考
悲無功朝發七澤南暝過三澨東磯花照玉轡嶼草留
青驄父老荷杖送奔走村塾童揮手謝吾民無勞遠相

從顧我素餐者何裨爾疲癯揚舠下漢水遂與沔人別
荆門沾細雨郢岸逢初雪鮫女近有無蠙珠遠明滅夜
宿蘆花叢霜月半輪缺征雁雙雙鳴聞之五情熱眷念
郡中友高齋旅愁結東臯紅梅枝春來為誰折傷離偶
感舊薄遊計良拙孤懷夙自許初志那堪說我作五字
謠字字表情血去住各加餐慎勿音塵絕

游呂公洞

窈窕呂公洞逶迤玉泉側澗流緬松門石梁亘雲辟始

入日匿影徐轉天漏白靈窟度縈迴細徑緣欹仄杖邊
霏漸分衣上霰微積紫芝數異芬瑤草弄明色窮猿倒
窺人仙鼠飛避客遙遙薜蘿陰嫋嫋蒼翠夕金膏欣可
餐石髓恨難識意慙諸妄遺神超萬緣釋伊予事沈冥
夙負山水癖曩聞呂仙名茲覽修真跡丹爐滅灰燼石
牀有苔蝕一遊洞庭波千載杳消息珪組知爾忘煙霞
恣所適私哂名利心踈躡竟何益

雪竇寺妙高臺

吾聞妙高臺海涌金芙蓉上有萬古苔虎豹留其蹤日
月挂天柱煙霞韜石峰所嗟異僧去寂寞青山鐘

含珠林

佛有舍利珠瘞之海東石夜來九龍爭風雨拔林柏六
丁紛呵護寶物安所宅至今月黑時光騰幾千尺

石竇

石竇海眼通乳泉四時洩仰睇杳而深誰剗翠屏裂青
巖千峰雲白含萬年雪膏砂原異竅鳥鼠或同穴

桃花坑

高僧飛錫地錦石名桃花
吾非勾漏令乃此逢丹砂
雲中吠仙犬洞底流胡麻
定有逃秦者人煙隔暮霞

蔣山卿

禁城雪霽望西山

積雪帶迴嶺素華麗高闕
玉掌對嵯峨珠櫳共鮮潔
振風響林杪哀鳥下城堞
徘徊英英雲掩映纖纖月
幽賞慮自澄曠望情彌愜
雖異梁園遊行吟良未輟

夏日田園即事

沈沈夜來雨泱泱川上平田家趁時作驅牛急晨畊遙
遙阡陌間肅肅老少并札札耒與耜咿咿桔槔聲紆回
野水入綿延禾稼盈劬苦事一時倏忽見秋成四體雖
云疲所貴惟此生此生各有分胡乃不自營寥寥千載
下寧知沮溺情

斜陽倏西下片月已東出雞犬各還家柴荆晚飯畢鄰
舍語依然兒女相牽率鳴蛙水上喧流螢花外疾夜色

向沈沈曠望彌蕭瑟

種瓜東門外種豆南山下遺榮等糞土屏跡在田野自
昔有達士而我非作者偃息任疎頑得性非虛假不覺
歲月遷青春復徂夏是時農務忙盡日賓朋寡新竹帶
可圍青荷手堪把於焉以永日冲襟一瀟灑

立身本疎慢罷官實所宜追思十年往猶是歸來遲聊
租二頃田以為三徑資故人有求羊旦夕與娛嬉即看
花滿園但要酒盈卮高歌任性情放言罕文辭邈與世

相絕俛仰復何為

東畱耘事畢老翁自閒閒
鼓腹何所知徘徊墟落間
斜日上高原一望江南山
寒林玩柔荑涉澗弄潺湲
欣然適其適日黑始來還
了無一可說呼兒掩柴關

薛蕙

效阮公詠懷

翔鷲赴長飈翩翩戾高冥
舉翮覆白日伏頸雲間鳴
顧謝野田雀僂僂營此生
與子各殊塗無用相譏評

朝登古臺上遙望大河陰
朱明來自南隆暑修已臨
丹霞曜陽景渥露霑玄林
矢風振層柯鳴蟬響哀音
四時代終始變化遞相尋
盛長固殊昔遲暮方在今
感物切悲情愴歎傷我心

娟娟桑中蠹戢戢託爾軀
下枝喻沈液上條咀槁膚
飲食亦已遂不念彼樹枯
樹枯竟何如憔悴在須臾
飄飄雲間龍卑高一何殊
變化成霖澤千載長相俱

天上何所有上有九重臺
日月闔房牖河漢界兩階
白

虎夾路隅青龍啾啾啼五嶽當東脯四海充一杯衣裳
被雲氣左右結雙蜺彗星垂為帶北斗東為觴舉足歷
顥蒼往往不復迷朝集扶桑東夕降若木西

朝游東海上親見安期生袖攜麻姑書揖予上天行忽
忽從之去一舉陵太清白榆何歷歷桂樹亦青青朱爵
七十二鼓翼相和鳴玉女顧我笑執手戲紫庭萬歲同
娛樂天地長齊并

齊夕

觀書每成倦徙倚憑高閣煙景翳山池春陰斂花萼衰
侵迫惆悵節變乖行樂不有恬然想何因堪寂寞

對雨

病困怯炎蒸陰雨差相慰芳林洗花蕊綠野籠雲氣坐
憶郭西池芙蓉定開未

游城南園林

崇丘亘中野逶迤似層臺斜攀陰磴上下見涼雲開對
酒已判醉無勞歌管催

徙倚薦蘿逕徘徊松桂林尋雲延遠步窺水瑩幽襟微
子共行樂終然孤賞心

別苑命飛觴平沙徙行幄藉蘭初解帶拾蕊俄盈握迴
策步前溪塵纓乃自濯

麗札昔相約名園今共看雨苔晴亦濕風篠夏猶寒永
日倦高宴清歌時向闌

日落風景佳中園霽氛滓輕雲染松色清露飄蘭蕊新
暑漸炎蒸重來翫溪水

冬夜

高閣寂已夕清陰澹如霧林塘正寥落霜月轉幽素蘊
眞非境累賞勝由神悟倚戶望西園無人共微步

詠料絲燈

淮南玉為筵西京金作枝未若茲燈麗擅巧昆明池霏
微狀蟬翼連娟伴網絲煙空不礙視霧弱未勝持碧水
點蔥鬱彩石染萎蕤霞疊有無色雲攢深淺姿焚蘭發
香氣對燭映紅滋明月詎須侈夜光方可嗤

雜詠

風

蛾眉簾下出春風
花際來雲落鬢間
髮蟻轉手中杯華
梁塵乍動羅帷影
復開試將巫山雨
吹向楚王臺

燭

客醉北堂上花生
夜戶中色亂歌梁
月影暗舞衣風珠
簾照不隔羅幌映
疑空願得陪長讌
相看曲未終

屏風

屏風十二曲羅列洞房隅雙環金屈膝四角錦流蘇蛾
睂行處隱玉袖坐中扶因歌留上客翠蓋少踟躕

蒲

昔聞詠塘上今見翫池中紫茸含細蕊綠帶舞輕叢蜻
蛉高下逐翡翠往來通徘徊桂蘭渚竟日與君同

萍

參差如霰布的皪似星出魚戲影初開鳥散文仍密幸
因雲雨會且免風波失無裨江海流徒謝芳菲質

兔絲

根株不自立枝蔓為誰飾偶同雜組文未比朱絃直園
客何由整天女詎堪織暫附松柏枝終辭霜露色

郊居作

池籊鮮珍鱗樊籠多鍛翮物情忌窘束人事傷紛迫拙
薄謬榮塗疎慵謝朝籍銷聲背諠競息影投幽隙丘園
雖寂寞悠然殊自適徘徊弄文史流連眷泉石神輕片
雲上目瑩清川漱蓬嶠宛相聞滄洲如在覲未申隱淪

志稍習沈冥跡外慕非所希聊用終晨夕

冬夕

空齋生夕靄俛仰俄清絕開帷玩光景就檻看雲月寒
條響哀吹層林皓餘雪懷人不可見徒令自怡悅

曉坐齋內

近曙早鶯喧乍暖游絲密稍稍竹待風紛紛花就日臨
堂點芳翰披衣玩仙帙賴此自多娛暫緩幽憂疾

月夜望雪

朝看雲際雪夜月坐中樓宛似青天上俯觀銀漢流猶
憐目未盡好為上簾鉤

月夜坐憶

明月三五時流光千里外虛館風泠泠寒墀霜靄靄不
見南樓客徒憶西園蓋歡酒無盈觴憂襟有餘帶沈吟
靜夜思緬邈佳人會

舟中看雨

微照下亭臯輕雲翳川曲一望春波上蕭條煙雨綠餘

花飄近渚衆鳥喧深竹借問同行子何處停舟宿

日暮

日暮坐東軒直望西山曲白雲靄靄至雨我窗前竹
晨憚隆暑披衣廢朝沐徙倚乘夕涼清風散炎燠大象
斡流行變化一何速日新諒無取年長祇多辱古人善
補過嗟爾當自勗

顧璘

夜泊

乍客情如何歸心坐起忽舟行苦淹程復此江上月落
帆具午炊露坐待星沒市遠燈火微促裝暗中發

再游石門洞

蒼然括東山百里縈青碧石門忽中斷窈窕開仙宅遙
窺日月深却轉煙霧隔中天屹樓居星斗挂几席芳巖
眩綺繡叢巘圍蒼壁山鬼不避人驚猿嘯窺客披榛上
孤亭奇觀壯心魄穹厓倚天懸瀑水半空射高流橫雜
佩直下垂足帛分作四山喧散為千頃澤初冬天未寒

晨曦映嵐赫重來意彌眷獨往往所適信美愜心期胡
為老行役終然脫塵網高舉凌風翮

林春澤

草亭閒望

草亭結山阿曠視塵冥外南薰舞新篁飄飄吹我帶六
月不知暑虛壑生清籟綠樹漲繁陰石磴侵晻藹澗底
漱泉流巖頭聚雲靄羣動亦何情冥然與心會

暮泛白馬湖懷鄭繼之

返照明春湖片帆輕煙裏長空絕鳥飛汀洲見芳芷美人望不來春暮吳江水

陳叔紹

丹陽湖

積水涵太虛一望何瀾瀾風濤漾輕縠霞光映文綺遙山鳥外橫孤棹沙邊蟻漁家夜語聲深在蘆花裏

舒荼

感詩

機杼早倚臂促織更相勸日暮起傳燭了此殘針線輕
風穿窗櫺不覺一聲歎藁砧在金陵歌舞誰庭院願身
為衾裯寒至君自戀

蜻蛚鳴階前蟋蟀依我牀一夕不成寐九迴勞枯腸孤
燈壁影影欲滅還復光照人豈無心焰短怯夜涼披衣
更起坐發興為文章

夏言

保定公館晝坐

重門掩長晝槐陰知午過瓦雀上階行青蟲抱絲墮公
暇亦憑几好風時入座終羨南村翁悠哉北牕卧

蔡經

同漳源侍御遊華不注峯并泛大明湖

平生慕幽曠雅懷避煩囂林園苟成趣亦足供逍遙況
茲出東郭雲物如相招羣山秀嫋娜一峰特宮堯開筵
坐琳宇浩歌凌紫霄朋情藉軒豁客思翻飄颻瞻言泛
蓮沼復爾移蘭橈窈窕遵玄浦逶迤渡七橋菰蒲水清

淺石竹風蕭條槐陰宿鳥下藻動潛鱗跳何緣對叔景
且幸聯高標因探厯城勝并采康衢謠

中山早行

客夢長不成雞聲起偏早既無夜寐安寧似晨興好銀
河澹欲沈朱炎寂猶埽搖旆指秦關駕車厯周道古塔
振風鈴高槐護芳草對此忘驅馳翻以舒懷抱

張岳

留客亭

憑軒有所思所思在遠岑我有青絲瑟欲奏無知音
萋芳草色遲遲美人心佳期不可敦離憂故難任冥迷
風雨交歎息河梁深歸來卧山中浪浪涕霑襟願乘空
谷駒翩翩夕巖陰桂枝聊攀折芳馨日相尋山阿華歲
晏莫受霜霰侵

同翁夢山游三海巖

夙愛山水遊茲山屢延賞披雲入青冥巖屋呀弘敞玲
瓏開北戶峭壁排銀榜初駭溜石懸漸喜瓊芽長幽泉

時一滴毛骨森蕭爽壺觴屢獻酬清言激靈響天末多
風波陳迹成俯仰徒聞海上洲中宵勤夢想聊茲永日
留真性非外獎暝色望征途何由釋塵鞅

與夢山登欽州東城樓

登高易為感沉茲萬里心高城餘百雉翠色前山深詰
屈水通海蒼茫日載陰美人隔宵旦未由攬芳襟舉手
招青鳥願托瑤華音青鳥不我顧瑤華日以沈耿耿還
自念有酒且共斟

許宗魯

十七夜雨坐

秋雲滿空塞夜景生寥廓開簾對零雨客思轉蕭索燈
明虛室幌月暗高城柝天際聞遠鴻琴中悲怨鶴佳人
不共賞感歎秋懷惡側想明月輝梧桐坐來落

戴鱗

感興

高梧有良質斲為雙綺琴疏絃映金徽泠泠發佳音一

彈薰風至更彈江月沈大雅久以寂志士寄幽吟坐令
衆喧息洞見太古心

蘭蕙種不長荆棘日以滋青青野中蔓引身百尺枝春
風一吹拂垂垂得其宜夭桃開上苑苦李道傍遺賦命
固如此物情胡不怡托根各有所聊用以自持

王廷陳

別張子言

我友駕言邁去去之朔方晨起趨中廚為我具酒漿長

別在須臾且願盡杯觴昔為骨肉親比翼雲中翔今當
永乖違邈若參與商出門異鄉縣居世如朝霜世途轉
傾側良會安可常羸馬感人情哀鳴衢路傍悲風振喬
林瑟瑟傷肝腸執手不能辭淚下霑衣裳恨無凌風翰
送子還故鄉

故鄉豈不思臨發中徘徊惜問欲誰須重與心知違山
海高且深見面未有期有懷今不盡相思亦何為豈無
絃歌曲調促令心悲立語未及終白日奄忽移安得曾

陽戈揮景使東馳

馳景不少待客子何可留相送不覺遠行行至河洲中
有雙黃鵠飛鳴偕匹儔驚風揚洪波散失焉能求雌雄
相背飛影響日以道鳬鶩豈不多嗟哉非我仇願言樹
萱草以解心煩憂

煩憂動我神悲歌仍躑躅鬱鬱道傍柳垂蔭昔何綠嚴
霜日夜寒枝葉不復屬四時相推斥變化一何速俗子
驚聲華世儒矜結束立身多所乖年命傷局促子其愛

景光抱道在白屋

園亭言懷

駿死骨誰市象焚齒自累棄置悲團扇齟齬歎方枘
恥隨荆橘化樂與魏匏棄素無金張援焉取丘園貢農圃
衍世業桑麻綜歲計實飽三士桃芳引八公桂春原露
未晞秋皋霜已被偶緣物態感遂與神理契晷度無能
淹金石亦善敝願言齊得喪庶以紓勞瘁

江暉

別劉子謙

天運無停機變化一何速四時更迭謝寒暑互往復雷
霆促晝陰霜霰棲寒谷萬卉隨隙光安能久蕃育傷彼
蕙蘭花凋零並蕭藪芳猶竟同岑賦命焉可卜

馬汝驥

送舒國裳謫閩中

童童百丈松上有女蘿絲絲蔓豈不固所嗟霜露摧伊
人何眷戀乖別亦何期傍路有清溪蒲生葉離離將子

莫折蒲折蒲濡裳衣安得瑤玉英采采以相貽
悠悠客言邁薄送城之隅薰風應律來炎蘊稍驅除裊
裊微雲生忽忽翳天衢迢迢郊河樹冉冉南行車行車
當萬里會面不須臾豈不愴中懷何能少踟蹰

荅許中丞寒衣見懷效河水部

金尊乖宿覲玉札遞新響晨興占鵲書夜思縈蛛網嚴
霜被零木殘月升虛幌天遙夢不隔室邇心獨往撫絃
常自輕覓句為誰賞願言同奮飛短翮焉可強

王謳

汶上公署

百歲為浮名一身恒旅寓
鴉歸野樹昏角散城雲暮
殘壁竄秋蛩空階滴夜雨
愁心似蘭絲短髮變玄素

偶成

茂林鬱如蓋雜花開欲然
啼猿驚客散舞鶴到尊前
蕙帳養霞影竹窗照月妍
時有故人夢伴茲清夜眠

暮雨獨坐

夕雲起山澤廣陌鬱幽沈北風吹雨雪寂樹無歡禽天
涯莽寥落行子斷歸心却往盛年邁潛來愁思侵高樓
厲清角虧景蔽蒼岑輕舉積淵抱揭懷伸素襟寒冬芳
意歇爐焰澄香陰還憶故園夜攜酒仍抱琴

冬日閒居雜興

枯葉下風林沈沈廣庭晏衆鳥還故棲浮陰相與散霜
清野水明天遠連山斷愁雲黯自銷猿嘯驚還亂獨坐
閉蓬茅淹留節序換

夜行

夜行如在旦殘月清林光雲氣集深澗露華生早涼
白沙鬱浩浩翠壁凝蒼蒼寂歷松柏徑經過花草香雞聲
互村落曙色動柴桑即事況多感離心含永傷

汪應軫

鳩隱

鳴鳩拂其羽四海皆陽春
秋風起鷓鴣蓬棘深藏身
時哉有顯晦微鳥靈于人
孰謂鳩性拙而同鳳與麟

許相卿

諸弟夜集

獻歲閔霖潦，今夕欣澄和。況我遠行歸，兄弟會匪他。晏
晏言笑洽，楚楚壺尊羅。東風舉衣袖，明月在庭柯。一觴
再三詠，舞影時婆娑。荏苒百年內，白日如投梭。載懷秉
燭游，不樂如夜何。

李鳴鶴

雜興

朱陽媚初夏庭宇生閒情幽禽奏新響嘉木敷柔榮餘
寒逗春服浮陰妨晝晴雲頽山翠重雨過林香清獨步
還獨坐取適夫何營興至發高詠澹然心自平

秋思

燭暗夜已深秋蟲競相語驚風灑蕉葉冷露散如雨奈
此留滯客愁緒不可數白髮日以繁青山渺何許

陸鈇

愛峰篇

愛山愛孤峰峰高不可即
誅茅卧其旁憑軒看空碧
裊裊金芙蓉海霞蕩日夕
下有蛟龍盤波濤起淵宅
浮雲倏蔽虧白日慘無色
蔽虧良有時我情終不易
請看石上蘿綢繆自今昔

妙高臺

石徑入迂迴高臺出林杪
遠岫迎歸雲層巒礙飛鳥
厓崩樹交撐壇靜花不埽
淩風一振衣清曠絕塵抱
仰接煙霞重俯視樓觀小
安得鞭蒼蚪倏然下蓬島

張孚敬

恭和御製翊學詩

聽講大學
衍義作

帝王治有道修身宜所先於皇聖天縱受命真自天
彼霸功小愛此王道平經筵講大學治法三代前乾
乾自不息安安而能遷升堂入其室登山陟其巔擴之保
四海泉達火始然卓哉真德秀義能行斯篇微臣忝進
講膺服同拳拳

張治

廢寺

古寺饒蒼苔斷礎委蔓草秋高木葉深霜重池荷老日光穿雲來竹色不可埽世代成古今惻然傷懷抱

河西草堂為童內方乃兄賦

君住玉沙湖雲構涵虛敞荷露凝清香竹風動幽響月華川上來煙水平如掌深居澹無營悠然謝塵鞅閉門卧高春不知春草長竭來燕市遊驅車何慨慷細雨懸孤帆青山還獨往我屋瀟湘東林巖亦蕭爽三年縛纓

裾懷之空惆恍衡岳千萬峯因君發遐想幾時湖上歸
與君弄蘭漿

黃佐

詠志

棲遲衡門下向夕絕來鞅輕風蕩微月玄景振清響遊
心觀物化閒庭恣偃仰蒼蠅以翼鳴營營在蛛網鴻雁
隨陽飛一覽八紘廣

朱火照玄夜耿耿懷平生雲漢經中天為章竟何成瀟

瀟風雨歇引領晨雞鳴
褰帷納素月悠然鍾我情

學古一首贈胡承之歸關中

翩翩雙鳴雁噉噉雲中飛
娟娟蛾眉女札札流黃機
棄置不成匹歎息減容輝
問女何所歎良人悵有違
萬里遙相望何由接音徽
蕙樓鑒素月蘭燈暖虛幃
身非驂與服安得同車歸
河清尚可俟會合何可希
臨歧奏此曲淚下誰能揮

廖道南

靜海遇張汝禎夜話

日夕繫蘭橈山城圍海縣嵐光互明滅水霧遞隱見涼
月鑒廣原靈飈振芳甸幽人抱遐心踟躕夜將半仰觀
河漢流俯察昆蟲變側聞哀鴻音攜手淚如霰

周祚

雜詩

二儀愆恒運日月斯晦蝕陰陽靡協和風雨失其職天
道垂常象君子重刑式百揆理四時允為天子翼一物

荀失所憂懷動顏色邈哉古聖賢旁招暨幽側重華闢
四門尼父取三益周公致太平吐哺不終食

馬駁

阻雪張橋驛懷徐道長

人生如浮萍同生水一涯聚者忽焉散合并安可期豈
不憶王孫芳草迷路岐客持雙鯉至云是美人貽與我
期何所乃在淮水湄忽忽玄雲浮雨雪一何滋駕言思
往從徑滑馬行遲相隔匪遠道無緣接高辭始願既已

遠延竚益淒其

黃潤

孟秋

玉衡指孟秋階前鳴促織光陰良易邁坐覺老來迫四
十道未聞眷言心孔盡空死讀書螢徒取譏有識迷塗
幸未遐周道矢焉直千里雖云遙終當勵餘力

張羽

雜言

蜀嚴好沈冥日食止百錢卜筮人所輕久之操彌堅君
子有所貴乃不在當年百世有知音何必鍾期然子雲
太區區譽之公卿間卑哉益州牧乃欲吏高賢豈無王
侯貴敢言不敢言斯道誠兩得永為後世傳

吳益夫

晚歸


夕陽下西林草徑含暝色鳴蜩在深樹向晚猶不息歸
騎且遲遲中天雲未黑

袁達

幽懷

沖懷悅魚鳥故跡棲丘樊永息喧中想方知靜者尊農
人談稼穡穉子牧雞豚時有會心侶晤言孤樹根
獨行清澗濱覽物懷淒惻蘭生何芬芳草掩無顏色漆
割乃自為木伐先其直林深不可留哲人慎日昃

御選明詩卷二十五



總校官庶吉士臣侍朝

校對官檢討臣蕭九成

謄錄監生臣傅瓌芳

欽定四庫全書薈要

集部

御選明詩卷二十六

詳校官原任主事

臣
李斯咏

欽定四庫全書薈要卷一萬八千五百二十六

集部

御選明詩卷二十六

五言古詩十一

文徵明

履仁獨留治平寒夜有懷

遙遙治平寺乃在楞伽麓之子神情秀空山裏雲宿月
冷石林晴孤眠豈能熟還持一束書起傍梅花讀燈昏
夜參半飢鼠鳴古屋淒風西北來吹墮檐間木感此霜



露繁坐覺芳華促少壯曾幾時歲月在空谷念子隔重城何能慰幽獨

立春日遲道復不至

東風吹綵燕曉色動簾旌遲子不時至南樓春自生裁詩供帖子閣酒聽啼鶯白日流雲暖梅花初雪晴閒窗落香燼殘火宿茶鐺敗葉鳴階砌分明識履聲

早起露坐

炎宵不能寐起坐寒絺幘繁星麗中天明河連曙輝涼

風不滿鬢落月猶在衣中庭草木稠宿露朝未晞人生
亦旦暮急景無停機撫時懷美人欲往情依依暑寒互
推遷安得願無違

秋日同杜允勝湯子重遊東禪寺次子重韻

人事無停機曦暉正流耀及茲東城游駕言謝紛要杪
秋霽景澄寒原入高眺靜躁本無媒憂欣自人召靡靡
霜藹明歷歷幽禽調獨行心已怡況也偕二妙燕談析
玄旨悲吟發孤竅一語何足稽後期真未料微風西北

來冷然雜清嘯

新晴

積雨浮宿潤新晴人意適
逍遙竹窗中啼禽破幽寂
初陽動簷瓦殘溜時自滴
曲巷行跡稀苔花繡深壁

雪夜宿楞伽寺

天寒萬木僵月出四山靜
積雪縞清夜幽崖自輝映
上方衣裘單俯視寒芒正
長風掃纖雲平湖竟天淨
倒影落僧窗橫飛濕銀鏡
微瀾玉塔搖秀色千巖競
俄然萬

象沈坐覺羣翳屏一鳥不復飛光華久逾盛吟懷共朗
徹禪心寄枯勁祇覺塵界卑忘身在高負半空擊瑤簪
冷然發孤詠萬里吾目中悠然一漁艇

蔡羽

游子

欲陳君未喻奈此繞樹烏天涼白日匿霜落黃草枯哀
商座中激急切傾名都呂望未適周百里長處虞草草
羈旅間空自懷區區捫蝨上東門未敢論賢愚

思田園

南方樹藝早嘉蔬當及時王官鑿冰罷忽起田園思東
郊織臺笠西郭編茅茨田家不辛苦衣食當待誰曳裾
京華塵徒自隳四支三江綠煙起何日佇杖藜

園田二三月不盡花枝煙青村對鳴鳩茅屋下寒泉蒸
茶復刈麥俱及穀雨前盈盈斯螽股采采柔桑錢巖居
遠朝列雲卧隔市廛邇來多行役裘敝不得旋

旅徒何囂囂頻年棄墳墓秋邁望春歸冬盡悲秋度三

見王官麥長吟白亭樹青青巖上條已蔽巖前路
張張東游子何時復西顧秋霜落明鏡朱顏不逮故

秋日山中

蒼山抱江長秋氣日夕清古閣浮空濛猿嘯陰風生
石屋俱玲瓏出入煙霧輕花從潭心發松向琴中鳴
林開樂遊苑日落白下城有約暮不來眺望傷我情

贈華子中甫

愛我巖下雲且避秋陽赤潭空天鏡寒風過蕙光碧松

竹長遮天相逢但挂幘山曛猿欲啼為子埽片石

秋泉

予愛秋泉清況傍巖花滴魚游日光中倒見潭上壁安
得無機人同坐相浣滌

白朮朝露香紫芝秋霞熟石上瓊瑤花采來不盈掬道
人開石門悠然在深竹

江上晚來山

江上晚來山宛似五湖綠我行霜尚繁已聽鶯出谷三

歲桃李花天涯一何促非乏瑩篴聲不解秦人曲長裾
畏風塵握粟厭童僕攜手會稽雲扁舟未為速

雪後南泛宿潘氏

黃蘆蕭蕭寒草短日光白有客弄煙綺獨挂滄江席起
披楞伽雪忽見茶磨脊蓬萊白銀宮宛轉在几格天華
動物表霽色澄川陌鶴立千年松練挂一片石古屋屏
風青冰壺金鯉赤雞鳴楓樹林馬度梅花驛茫茫五湖
間未見范蠡宅悲歌對尊酒浮生苦行役

徙幕府同仲先

府邸開平臺松軒轉萋綠四術多朱光閒房靜相屬余
業倏朝依子懷喜夕篤深居若無人閱暑不知酷晚葵
敷餘霞新蓮摘青玉風清客襟開月來琴柱促寂寂方
丈間超然出塵俗長令形迹忘奚用事溪谷

湯珍

觀雨作

溫風鬱蒸溽浮陰昏混茫始迷青嶂色繼隱朱陽光霏

霏灑甘澍浥浥潤下方竹添新籜翠草起枯荻黃熙然
厚土內生意咸舒張憂時切經旱喜坐開山堂鑒彼造
化機推遷自有常燥餘必反濕炎及乃回涼君子蹈恒
運小人乖禮坊貪天鮮終克靜俟多徜徉

秋日遲文衡山先生不至

肅肅振飄風霏霏灑芳澍遲客向南軒徘徊倚庭樹俶
裝戒星來傾曦未云赴我思鬱以煩孰克探其故沈憂
抱孤景中結豈外慕申訊吐清謠殷勤待良晤

凌震

出宿

悠悠出門來戚戚念家室
三里一回頭五里淚霑臆
託身百年中何必遠行役
上攀猿鳥道下俯鮫人宅
性命不足憐仕宦亦何益
卓哉有陶公千載為我則
倦鳥思舊林翩然返其翮

陳鐸

宿牛首寺

到寺萬緣歇蕭然宿峯頂蒼蒼野色新漠漠秋煙暝天
風在林末空翠散復整支郎繙經處松子落古鼎微涼
入虛檐老鶴飲淺井相期話三生夜坐石根冷疎竹何
蕭蕭雲房亂燈影

徐霖

次楊南峯題畫

白雲載青山山氣隨雲浮山人樂在此終不厭丹丘時
愛前溪水亦或權扁舟問渠何所似口誦逍遙遊

謝承舉

別陸舜民

與君同鄉邑，儼結金石盟。
嗟此友朋誼，宛若兄弟情。
坐卧朝暮偕，出入時游行。
感茲十載餘，歲月如流星。
我壯君已老，歡娛慨平生。
西窗一杯酒，相對孤燭傾。
淒風羅幕寒，皎月梅花明。
我懷未盡語，倏爾晨雞鳴。
執袂臨河梁，溪流發春聲。
歸帆挂殘雪，搖搖駐心旌。
合并應有期，勿謂睽離輕。

白菊

幽花若處女娟娟凝淡妝對月張素琴凌風披縞裳質
潔恥穠艷姿珍悶馨香持此貞白心相依君子傍漪漪
臨深淵皜皜晞嚴霜自分值時晚永不慚秋陽

題扇寄友

別子倏易秋限茲大江水相望三驛途迴若在千里風
涼桂粟黃露冷蘭花紫素紈裁短吟含情付雙鯉

王寵

過石公山

島嶼屢崩奔石林突參錯朝雲正吐秀冬水亦漸涸
槎牙熊豹蹲蜷曲蛟龍蟄波濤激中洞嵐藹紛上薄金膏
赤日流石鏡青天廓表靈徵名圖延賞諧幽諾蒼鼠不
驚人丹楓時自落茲焉可投綸畢志甘場藿

宴徐子仁宅

金陵豪俠窟樂遊鳳凰原青門臨上路爛若朝霞騫
轍侶共行遊窅窳窺楊園神飈集珍木泣露被芳蓀
蘭池

夏氣爽桂棟秋雲屯嘉花既羅戶密篠亦植援疏林抗
北磴激浪飛南軒粲粲芙蓉披離離椒芷繁中堂理絲
桐後檻樹旌旛初疑游龍翔忽訝驚鴻翻色授神已交
禮防心詎煩主人卿雲流標勝儼璵璠已羅西園彥復
注北海樽縱橫逸藻奮契闊佳期敦履舄相錯陳釵纓
互續繡肴來乃餅罄觴至若川奔曉畏夕月馳宵忘朝
日瞰平樂諒虛侈高陽亦徒喧縟麗安可悉商榷歌此

言

月夜登上方絕頂

五湖湧青蓮削出千丈壁空中構寶殿珠光相蕩射明月海上來照見半山赤千林似竦動鳥獸夜辟易飛馳入中天萬里埽空碧吳越何茫茫俯視一氣白身列星辰間絕頂布瑤席舉杯酌銀河誤觸支機石回首招王喬吾亦成羽翮

大道無端倪人世如蟻蚋冷然御風行天路非阡術望舒稍西傾東海已吐日山川兩照耀金波中蕩潏仙人

夜行游巖坐汎寶瑟吐故餐晨霞乘露采芝朶嶢嶢金
庭山中有煉藥室却笑尚子平寧須婚嫁畢

郊遊與諸公作

洛中曲水讌西京玄灞遊由來盛簪黻蘭藻麗皇州紫
掖鳴珂散青郊結伴投三三駢玉勒兩兩方華輶地擬
河陽谷池穿太液流金張雲母憶許史鳳皇樓細柳全
遮塢新荷欲礙舟厭逐豐貂飲還從卓錫遊雲峰猶辨
夏鈴語似鳴秋梵樂紅樓奏天香紺殿浮賓疑馭風至

思以采珠求名理山陽勝談天稷下道所嗟江漢客躑躅且淹留

李原承兄弟至

風灑北窗蕉筍簟波紋熾白雲映遙天千片空鳴玉
蹠松欲舞楚楚藤如束山空鳥言靜雨沃苔錦綉楓楠
翠猶藹菡萏紅相續秋晶幌秀林霽色澄遠綠主人亦
何事瑤琴奏幽曲意得在高深理遣齊榮辱棲遲一丘
中迴薄天地足晚與靜者期開樽命醺醪

憶故園作

山空鳥聲樂日晏病客眠
蹙顰白雀院輟畊石湖田
遙想蠶事作桑者日閑閑
綠竹粉猶膩紅櫻爛欲然
游鯈詠綠水戴勝鳴高天
飛絮乘風颺新荷貼水圓
故園風日好歎息此芳年

張詩

遊嵩華值岳子還吳中賦贈

歡悰眷春陶悽愴感秋別
日予嵩華游子亦返吳越江

海壯煙帆山川險轅轄雖殊水陸途共抱辛勤轍風濤
各一方雲壑每同月龍驚迴莫攀鳳舉渺難掣高情逸
松喬孤懷挺倪缺遠遊信昭曠獨往慚薄劣歷覽窮幽
奇嶮欽足怡悅睽攜何日并努力宗令節

鄭作

刀贈程自邑

昔客汴上來曾遺西番刀出鞘試齟齬口吹斷毫毛裹
以白鹿皮纏以青絲條不逢拂拭人塵埃甘自韜把贈

慙吾老功名看汝豪

程誥

雜詩

閒觀逸民傳獨愛鹿門老上塚亦遺家城市未嘗到牀
下拜卧龍畎畎終身好遺安一時言千古仰高調
野人得美芹謂儔千金璆獻君君弗顧詎知非君羞微
誠既已達浩歌還舊丘本無璞中質寧冀連城酬

水簾洞

徑平草木深幽碧日以積遂使水簾勝咫尺千里隔真源不可問惆悵淨色白窟石冷秋根何由漱雲液

秋陟靈金之巔由范坑過舍頭至靈陽憩方氏

山館

入山恨不深采芳思凌緬戒嚴事初程憑虛瞰前峴氣逼日始熾光滿露猶泣奔峭既厓陟盤曲亦磴轉步迅險易踰憩頻蔭難選俯眇巢枝禽仰聆吠風犬想像巖居人于焉傲軒冕瑤華若堪把白雲況在眼撫物興彌

敦觀化理誰遣試語同懷人竭來此棲行

自秀山深入陟巘

自我客秋浦秀山亦屢入顧茲奇勝多恨未徧探歷今
晨興忽動捫葛履危岌石拂既久坐厓倚亦暫立香氣
暗忽度碧光深可挹行迷儔侶遙喜溢僕御及飄飄驚
風來陳陳吹雨急蠟屐早已著蘿衣不妨濕

傅汝舟

未至白塔投宿新坪農舍

雲洞更何許新坪又一村前林露微月半嶺聞驚猿野
老不避人篝燈候茅屋始笑行路難百里已三宿

雜詩

浮坳豈方舟食餌非巨鱗鳳兮不在苞所貴鳴及辰當
門蘭蕙鋤何況在野芹擁腫雖可羞美材祇為薪促促
歲陰生感念增苦辛

徐定夫

夜坐懷石林茶谷二上人

林秋萬籟集木葉下高岑佳人渺何許月明空此心夜
久河漢沒涼風飄衣襟徘徊寂無語幽意託孤琴引領
西巖下俄聞鐘磬音

鈕仲玉

崔二丈園亭

芳園甫營葺修竹稍陰翳村徑入沙平柴門俯江閉惠
風蕩炎氛微雨續新霽好鳥時相鳴疎花還自媚于焉
一徜徉頗愜幽人意寧違官府期且與鄰翁醉

徐鱗

謁伍相祠

湖口風色霽
繫纜登雲厓
迴阡度修壟
肅穆趨神祠
翠柏蔭壇宇
碧草生階墀
英賢去千載
靈氣儼生時
暉暉燭影耀
靄靄香煙滋
入郢志亮畢
棲越心空疲
不忘嗣主諫
恐負先君知
朝承屬鏤賜
暮見東門師
空江日夜流
忠烈何時隳
至今姑胥臺
空傷麋鹿馳

姜玄

雜詩

諷討窮修晷頗悅古人情
周楚先河濫漢晉浩波橫
吐吞煙霞混組繡陽春生
妙化猶九轉巧拙非一程
隋侯自朗瑩和氏自溫明
既使瓠甌競又俾魚目爭
所以絕琴者千載不復鳴

嚴時泰

出城尋山

雅負山澤情平明出游行
崎嶇既經丘峻絕還陟巘
征

衫清露濡垂蘿或相習縈紆度林徑草樹溢蔥蒨古洞
閒無人聊以憇吾倦幽鳥遺好音起覓不可見含情倚
嘉樹日暮增繾綣憶我東南來於時歲方晏春徂忽已
夏逝景迅流電不樂復如何嗟爾素髮變

汪生民

芙蓉山居

孟夏林木茂綠陰吾廬繁石牀枕道書獨卧盡日間仙
源最深處無人扣柴關夢中見羲皇乃笑塵世顏微風

吹夢覺正見白雲還

汪衢

獨飲效陶

開軒對嘉樹散髮坐清陰
鄰家送美酒一笑還自斟
聊
茲舒性情豈復較淺深
涼風樹上至為吾絃素琴

姚涑

秋夜偶成

新涼沁苧衣
楚客悲遲暮
林葉墮寒飈
皋禽警清露
銀

河沒半空秋影在高樹何處洞簫聲吹遍江南路

徐階

感興

烈風振黃塵長夜何颼颼浮雲東南來各有雨雪謀美人金玉姿乳乳倚高樓寶玦雙明珠欲致道阻修嚴霜瘁百草荏苒歲已邁寒暑互代謝日月無停輶至理諒斯存耿耿生百憂冥冥雙飛鴻可望不可求

韶武久不作鄭衛何靡靡東南有佳人皎皎冰玉姿被

服爛紈綺當窗理朱絲清聲協宮商志在旦與夔都人不解聽豈惜和者稀北望黃金臺悲哉路逶迤

送考功朋石楊君赴留都

昔人賤榮達今人慕通顯所履非有殊中得異深淺欣戚緣感生塵幻非實踐望賒情日悲理會境俱遣子年二十强才器重瑚璉春明去不顧此意昔所鮮因之內自媿孱鈍玷華選會當理歸楫長嘯謝軒冕

送司封仲芳楊子赴留都

哲人重道義朝貴不足縻丈夫志四方遠適非所悲如
何與子別悵悵不忍辭古道日淪替羣諛紛追隨子獨
諒迂僻經訓相劇規去住忽以異麗澤安所資顛波無
停流靈曜亦西馳感此重念子何以慰爾知至理不外
得吾心實吾師願言勵操存千里同襟期

送沈進士子善尹鄱陽

治民如烹鮮此語傳自昔邇來才俊士古訓恥誦習譁
然煩其令藉口興與革遂令田野間奔走廢畊織朝廷

念元元置吏務安輯豈意更勞擾肥身重民瘠沈生起
魏科探討遍六籍沉復有家教茲義諒能識鄱陽號樂
土近稍異往日撫摩還富厚夙夜在努力高才如騏驎
千里初發迹康莊與曲徑慎哉審所適

送趙甥赴衛輝幕

汝母予之姊六年長於予予昔生十齡夜燭誦詩書汝
母執女紅竟夕與予俱茲事四十年想像昨日如頭顱
各已白相望天一隅每懷骨肉情中宵起嗟吁春來獲

見汝差足慰煩紆汝今幸有官汝母當怡愉汝本故家
子書香襲巾裾予衰媿忝竊早晚賦歸歟汝宜兩念此
奉法保民譽祿養儻能久庶報生汝劬舅甥共休戚贈
言不以諛勗哉萬里程夙夜慎所趨

送李南原邦伯

明月渡江渚流光滿林間念此理朱絃境遠意自閒上
絃彈別鶴下絃奏高山山高不可即鶴飛無雙還曲終
更悽惻喟然凋芳顏

璞玉藉雕琢，金賴鎔鑄。居然失良工，寧免廢棄懼。秋
江浩無梁，深山晝多霧。欲從不可得，徘徊自朝暮。

潘恩

從庾嶺北歸至萬安縣舟中作

嗟予謬時網，作吏入西粵。飽歷五嶺雲，四見梅花發。草
樹冬常青，嵐霧晝不歇。徇祿歎迷方，留滯慚英達。駕言
適京師，歸途嶺初越。忽驚險阻盡，俯視原隰闊。白沙綴
疎星，碧水澹華月。乘流耳目新，破浪精神豁。鷗鳥會我

東飛鳴恣怡悅雖牽行役悲吾躬庶可閑

當陽晚行

山行日有程中路速修軫牛羊夕下來嶺日忽以盡石
滑露華零木號風力緊野燒漸已微疎星忽而隱倦翻
怯途遙迷方憐步窘僕御慘不歡勞生況多疾撫時百
慮煎于役良足憫惜哉紱冕牽久負沮溺哂

張時徹

北征雜詠

義和無停軌寒暑更相易歲暮誰不歸獨為遠行客荆
榛當路衢鳥鳶翔我側疾風吹沙塵白日忽以匿筋骨
既憔悴感此增怵惕悠悠赴壑鱗戢戢歸林翼物性有
如此行役不遑息閭闔不可攀閭風不可即果腹適莽
蒼浩蕩將安極

客寢不能寐舊慮雜新思申旦雞初鳴呼童理裳衣初
日照疏牖倉皇臨路歧風塵塞四野車馬若雲馳去者
未云息來者復如斯鼎鼎百年內形神空爾疲顧彼蓬

蒿士旦暮偃荆扉蒸藜以為食編麻以為衣不知有朝
市豈復辯雄雌芳餌非所羨網羅安得施

武陵莊雜詠

秉願物外遊結欣在何許覓路辨青山沿洄遵枉渚丹
丘忽戾止煙霞密如堵中有千年松滴翠紛成雨叢篁
茁新玉樛木羅珍羽眺聽不勝奇日夕愴容與

河水何瀾瀾白石何齒齒誅茅以為宮閒曠絕閭里雞
犬不復聞漁樵時至止碧巘插雲端銀河投澗底苔生

階布繡花發戶施綺況有蟲鳥鳴彷彿諧宮徵

郊居

朝出野田遊暮向林臯宿策杖入蓬門溪雲猶在足
霞鳥背翔皓月江心浴樵釣共為徒庶幾鄭子谷
幽居屏煩喧觸目恣遐眺煙霞茁屢奇峰巒互騰踔宿
鳥競陽枝寒泉迸陰竅欣茲十畝宮託跡亦寧窅
村居何所有歷歷多修竹明星閣樹頭白雲飽溪腹釣
月引鱗魴樵霞卧山麓枯槁故所耽飲啄亦自足

籬菊欲辭榮林楓亦隕赤清尊湛芳醕園果繁以碩鄰
里相勸酬酣歌擊白石俯視池中魚仰睇雲間翼

寄遜匪云遠清溪即故棲崇樓邀月近列岫洩雲齊鳥
至自相悅人來乍欲迷言訪蓬瀛路丹丘倘可梯

有鼓不自鼓有琴不自彈端居習清燕闌寂寡所歡寒
泉盤戶碧墜葉滿庭丹采采芙蓉花零露何溥溥

種禾已堪炊種蔬已堪摘梧竹儼成行展矣幽人宅鳥
篆文苔階雲衣罽蘭澤翹首望長空青山淨如拭

伏枕不成寐側聽司晨嗥嚴霜切重衾疾風梳敗蕉寒
燠固有常龍蛇由所遭集菟本非羨白首甘蓬蒿

夏日偕鄔佩之石廉伯集顧司封館

有肴不在俎有酒不在觴與君兄弟親共此明月光朱
霞絢層漢熠燿流衣裳清飈來徐徐茁茁揚其芳西鄰
綺羅子吹簫鳴鳳凰今夕良讌會歡樂殊未央

屠大山

雜詩

古道有蒺藜行者戒經過新逕富桃李過客肩相摩古
道日以微新徑日以多江河逝悠悠歎息將如何

陸銓

撥悶

修塗密春雨新水浮磽田灘聲起林杪浦色迷遠天溯
游違水性力挽苦不前歸情逐飛鳥度日長如年前村
靄雲樹望久生夕煙來船翼雙櫓疾若矢發弦勞逸迴
倍屣遲速殊相懸事以乘機易力因失勢捐引觸悟至

理何獨舟行然

顧夢圭

擬古

離離雲中雁八月徂南方念彼北風來怛焉懷稻粱九月氣已淒十月繁冰霜生來毛羽單高飛不成行君門有鐘鼓聽之徒自傷

雜擬

妾住越江邊江花照顏色清晨下機杼日昃不停織繡

出雙鴛鴦鄰媼屢歎息采蘭以自衣掇椹以自食綺戶
闔芳春戀此父母側伯姊嫁五侯少姝備宮掖含羞謝
良媒掩鏡長默默

高叔嗣

再同子延上方寺賦

已忝陽春游再陪瓊瑤作首歲與君同名區踐初約芳
風散入林陰靄遞相薄微雨點春城流雲蕩仙閣樓當
望遠立酒共憑高酌樹裏梁王臺水際夷門郭伊余本

孤蹤事主乏明略偶因負郭田解印歸丘壑閒居道心
增日戀空門樂安得拙病軀放達長此託

秋夕

問年有短髮逐世無長策日已遠人徒秋方卧阡陌天
高星流火夜久月生魄萬形觀此化四運愁相迫身非
塞北翁情是周南客聊齊得喪心安此留滯迹

送別永之

憐君方遷戍況我嬰愁疾一別若流雲相從竟何日平

生託交游弱冠弄篇帙書願藏名山功期銘石室安知
事不就跌宕情如一已矣復誰陳今亦返蓬華

移樹道上

春園就蕪穢雜樹生蒙密不知雨露功長養何多術婆
娑使人憐斬伐終余恤乘時聊徙植予以託吾室交生
兩相當列映直如一轉令門巷新遂放雞豚出修修原
上風團團村邊日紛吾本塞方兼爾抱憂疾敢學成都
桑而謀荊州橘願及垂陰成初志儻此畢

觀游人

大道通遊遨傾邑出車馬
玉管移高堂金鞭臨曠野
盡踏芳草中時歇花樹下
浩蕩春思盈留連莫愁寫
回看巖石間顚顚躬耕者

寄憶茂欽負外

閒居已可歡況復乘嘉月
山鶯日自鳴園樹皆爭發出
從草際歸行傍村頭歇臨流
或漱齒倚杖乃散髮此時
正憶汝振珮趨丹闕

荅谷司僕見問

幸自返中園非關逃微祿方因疾病餘
黽勉供樵牧春至東郭田夏來北林木
時從遠原上日縱平郊目野老逢與
言道書閒能讀何為共世人無事相追
逐勞君問出處日暮掩茅屋

曉還城休左氏莊

與君枕隄口共結東城廬日出蒼林背
回看十里餘柴門通大道村巷隔平墟
主人心無事見客頭未梳累言

惟農務一飯但園蔬方當數來往肯為容籃輿

曉出前林

理櫛聽鳴禽寒帷望朝旭快然登前林煙芳紛滿矚秋
晴帶餘陰夜雨生新綠道勝絕紛華情愜闕幽獨在天
羨白雲凌風慕黃鵠賞心久已違感此勞中曲

酬左舜齊林中冬夕見寄之作

攜手自京都歸心乃疇昔豈不戀明恩久持金門戟今
日故園身殘歲空堂夕含情亦何言塵耒挂東壁

雨中簡子仁員外

積雨曠朝暮層城苦沈沈
端居誰與言抱此懷人心
一為軒冕拘遂使名跡侵
長媿玄豹姿隱霧南山岑
君通微妙理佇想開塵襟

敘懷

生長夷門郭往來莘野路
家貧無良謀躬畊有遠慕
始窮霸王略遂覽生民故
曰余本空疎當年恣高步
慶彼鳴鶴期忝此飛龍顧
亦知敝帚材早享千金誤
日月不

我留撫心慙往素

歸次南關驛

祇役忽于今徑塗宛如昨秣馬息荒林振車越重壑歲暮滯還期客心悵不樂曰予本沈冥遭時乃獲落化海異微禽蟠泥豈尺蠖方因遷斥餘始遂歸來諾逝將入雲峯滅迹從所託

鄔紳

寄汪水部淵之

憶昔河梁別春華委芳樹流光何迅速朱夏忽云暮園
林莎雞鳴檐隙疎螢度向晚輟簿書中庭浥微露搔首
重踟躕無亦以君故使者舒城來多君眷南顧遺我以
先春開我以尺素殷勤報秋期江皋諧夙晤我欲往問
之蒼波渺煙霧悵望寂無言鳴琴寫情悵

劉汝松

送李進士之京

春風吹岐路朝日照高城青陽既駘蕩林薄亦芬榮之

子去安適迢迢入承明皇居一何麗雙闕凌太清白馬
振長綏丹陛羅羣英匪才慚寡用高步羨芳聲盛年志
四海豈徒夸令名

朱泚

歲暮山中

種梅山徑邊下有牛羊道童豎恣攀翻糾纏易枯槁殷
勤謝鄰翁愛此寒花好放牧須前山前山足豐草

飲黃石友人黃正可晚青亭和師山題壁

漫影落名山歲月累云周如何咫尺地茲亭今始遊小
草冒庭戶寒花明牆陬撼撼高樹聲蕭然似林丘西風
天欲暮雨意鳴靈鳩主人有好懷開尊更獻酬相與各
賦詩談笑銷百憂愛此同遊人俱維靜者流盍簪誠足
樂萬事吾何求

狄冲

東寺竹

林鳥已春聲林竹尚寒影豈無竹外花愛此晚色靜寥

蘿拂苔石透手弄清冷飛鼠迭相竄驚鱗時一逞慙非
海上翁動物見猶警

柯維騏

別黃道卿

繁霜肅野草迴飈振城樹胡為子遠行值茲歲云暮我
屢不出門為子臨歧路子驂亦暫停豈不以我故我如
蒿下鳥子如雲中鷺動息各有宜安得長會晤會晤不
須期努力慰所慕

豐坊

感遇

夙懷愛幽僻暇日聊遊戲微風過庭蘭新月移巖桂欣然濯虛襟不知人間世民生常有終身外何足計

雜詩

孤松挺穹壁下臨萬里波激湍啗其根驚飈撼其柯紛紛穴赤蟻裊裊纏青蘿羣攻未云已生意當如何嚴霜一夕墜高標復差我君子固窮節感慨成悲歌

小中元日夜泛月湖作

孤舟泛湖水月色如寒玉白雲忽滿衣清風時濯足不
知人間世因唱滄浪曲歸卧讀書窗蟋蟀啼草綠

送人

缺月古城東相送出蘭渚游魚時避去宿鳥忽空舉頓
忘離別情孤舟同笑語今日掌中杯明朝蓬上雨

十月十一日作

去國已逾紀玄節及茲臨修晷何電逝壯懷終陸沈纍

累寒露結懣懣悲風吟芳草委遙澤驚鳥翔空林朝飛
尚蠅羽夕寐惟蟲音疲精有斷簡卒歲無重衾餘惊奚
足陳雲海馳余心孤燈未忍滅淒然對露襟

龔用卿

武卮第五曲謁紫陽精舍

九曲清溪流此地適居半上有丹屏圍下有綠波渙嘉
木雜異草神工留奇觀山川洩幽靈晦明定昏旦茂圃
小可畊淺渠清可灌我來謁紫陽維舟楊柳岸懷賢式

居廬訪舊窮考按釣游本夙心歷覽騁披翫元理固予
會奈此浮名絆行當息塵網永作青山伴

冬日飲九山負外怡薰樓

開軒對南山蒼翠日在眼山色佳有餘引領意無限煙
霏起暮容浮雲自舒卷時見登山人歷歷諒非遠層樓
具盤餐主人興不淺清歌遶畫梁冥心棲絕巘玄理儻
予會幽懷從此遣

蘇祐

春暮出郭寺內餞別裴侍御

紛冗鮮嘉暢，俗務日相羈。
韶光不可留，已縱青春歸。
命駕忽出郭，野寺尋芳菲。
花飛饒綠陰，鶯聲寂高枝。
捫手三歎息，歲月馳如飛。
清尊相對持，盡醉良莫違。
明日隔山川，春風空爾思。

雨懷簡翠巖

層陰散煩暑，零雨凌晨夕。
案牘有餘清，苔階上深碧。
細草披蒙茸，流雲蕩紛射。
簷溜無輟淙，庭礎有幽石。
靜言

願無違端居意頗適言念同懷人虛襟幾岸幘和聲流
素琴幽賞展玄籍彌旬缺歡娛塵心正勞積

呂希周

雜詩

人生如萍藻汎汎浮江湖東西逐流風南北信逝波波
逝一以散風迴復來過暖翠啼鳬鴨遙青逼蒲荷託身
一水中漂轉諒靡他深谷忽為陵天運其如何枯瘁同
百草無復黃白華植根本無定浮榮安足多

華察

過煙水莊

垂楊蔭平田湖畔多畱畬
茫茫煙水中結茅成隱居
閒門閉白日密竹臨清渠
行隨溪上雲倦枕牀頭書
客至時命酒興來兼捕魚
願言託幽跡卒歲同樵蘇

晚至湖上和僅初韻

山中讀書罷來憇澄湖
濱綠陰暗溪路草堂淨無塵
平生滄洲意煙波夢垂綸
石梁度落景花渚藏餘春
閒情

狎魚鳥悠然適吾真
雲天澹晴霽空水明
衣巾未遂乘桴願徒懷江海人

澄觀樓曉坐和僅初韻

曉色澄秋林霞明映山翠
貪奇事夙興爽氣醒殘醉
空霜日夜繁坐見木葉瘁
天高宿霧收白雲出平地
初日照重巖寒流響虛隧
景物清心魂冷然起遐致

秋夜送戶部家叔登黃阜

離亭對衰柳落日送行客
秋聲在孤嶼興來恣探陟臺

殿澄夕陰明燈照禪室夜靜山月高潭虛映空色水鏡
清道心超然垢氛滌浮雲亦何意聚散隨所適風葉逐
歸蓬霜空起寒笛

秋日觀稼樓曉望

日出天氣清山中悵幽獨登高一眺望風物淒以肅流
水映郊扉炊煙散林屋秋原一何曠薄陰翳叢竹時聞
鳥雀喧因念禾黍熟悠悠沮溺心千載猶在目

五月望夜與諸君山中再酌和僅初韻

仲夏苦晝永薰風起將夕圓景海上來照此山中客坐
令微暑消兼使衆累釋興至時命觴露下復移席因耽
水竹居遂同魚鳥跡盤遊豈忘返翫物聊取適臺空人
影疎夜靜潭氣白參差樹杪峯歷歷辨咫尺超然悟真
境萬物一虛寂

游善卷碧仙巖

落日下空門齋鐘出林莽偶茲叩精廬再宿翠微上舊
游不知處但見松杉長巖虛露氣清坐覺心魂爽月白

山窗高夜靜風泉響遂令寤寐中超然脫塵網雲壑永
棲遲願言稅歸鞅

僅初移家湖上有作和韻贈之

城邑豈不美生事在田廬移家就所安正當長夏初壟
上刈舊麥園中灌新蔬寧恤四體勤將期方寸舒入門
謝鄰里幸託仁者居湖光近林牖水月澹清虛因適魚
鳥性遂於塵跡疎開軒聊種竹閉戶兼著書豈羨衣食
饒但喜歲月儲達人能固窮朝夕恒晏如願言日相過

多聞時起予

宿玉陽山房和僅初韻

返照明溪梁深松晦夕景巖卧符夙期雲陰石牀冷因
投物外心遂入清虛境天寒木葉疎月落山房靜然燈
獨不寐秋宵一何永明發從此辭白雲鎖蒼嶺

秋晚過姪英園居

野曠秋氣高丹楓映茅屋農家各欣欣門外山田熟相
邀具雞黍悠然入深竹風物日蕭疎但見籬畔菊賞心

愜所期勝事良已足落景照湖光孤亭暝巖麓

秋日施子羽姚山人見過

埽徑秋色佳衡門遲來客山廚薦園蔬戀賞淹日夕荒
臺蔭叢桂徙倚對巖壁夜靜人意閒潭空月華白信宿
愜所期去住欣自適養生慕彭聃學道窺莊易願言保
微尚歲晚成三益

屠應峻

贈袁子永之戍湖州

弱齡事篇翰與子諧所歡同芳握蘭茝偶德輿與璫彈
冠入鼎門振衣陟華軒皇心苟予顧白首諒無愆風波
起中道行路一何難子行戍故越予留滯幽燕孤雲易
流邁獨波不成瀾艱危各異勢繾綣何由宣贈子別鵲
操報我以孤鸞

贈內

良時飭徒御予當遠行游上堂戀慈親入室語好逑王
臣奉時役不得顧晨羞攜手再三歎出門悵悠悠室中

四五雛眷眷何能留遠期在終歲忽往增離憂離憂安
可任迢迢隔辰參蓂蓂雙鯉魚一浮而一沈楚橘不北
徙越禽有南音贈子明明鏡可以鑒我心

王格

病居遣興

負杖出衡門登城望絕巘林疎鳥未繁山寒草猶淺去
水有來舟故原見新墾牧笛誰家村樵唱春風坂忽聞
雁度初因念客行遠緩步歸茅廬惆悵不能飯

陸梁

贈別王直夫

商飈激疎牖蟋蟀鳴牆陰志士恒感秋況乃違所欽之
子役王事遠適閩江潯攬衣起追送渺彼川塗深少小
從子游方軌馳文林時去志願違素髮忽滿簪撫景慨
今昔惻愴情難任願言顧離索惠我瓊瑤音

威鳳天際翔潛虬澤中蟠嚴子時閉肆貢公乃彈冠顯
晦豈必同各以性所安子行樹遠績奮身青雲端鄙人

樓蓬藿塞拙聊自完丈夫志千載飛沈何足歎相期保
貞素歲晚同金蘭

談愷

送馮南江同年戍雷州

執手臨關河送君戍遠道道遠奚足悲所悲隔同好我
思古逐臣歷歷去南徼在唐有文宗在宋多元老風聲
久漸被侏儻悉除埽君行但努力寒燠善自保靈臺益
虛明玄圃縱搜討皇家結網密天恩復浩浩歸來承明

廬再獻金光草

江以達

十四夜都司席上餞光祿屠公分賦

幕府侈高會長筵列朱纓浮觴無緩第一曲三四行豈
不誠歡娛之子懷遠征握手一為歎秉燭循欄楹攀條
摘荔枝枝葉何青青

瓊玖相要結光輝比明月佳期脩弦望昭質匪圓缺雲
裾振丹陛章甫滯諸越忘年感綢繆揆予傷薄劣所期

峻明德離合弦與括

相知良獨難相見復何期
朱明曜南流浮雲莽西馳
蕭艾變芳草青黃悲素絲
衆人憫好修貞心重隨時
矢歌不能長愛子千金軀

田汝成

自石屋洞至法相寺同黃勉之

曠志憶逍遙勞歌厭囚窘
縱壑媚春鱗薄霄媿秋隼
厭彼方內遊夙此塵外軫
每挹山水輝都使名利盡
煙樹

香芊綿雲峰互虧隱崖屋已靜便祇園復恬引金輪相
自圓玉鏡光猶蘊沈照燭靈根依方護玄準理會得有
充神開暢無朕雖牽纓組心亦免丘壑哂

表裝

田家

誰言田家樂所樂亦豈常畊斂稍不給豐歉復相當五
月了蠶事十月登稻梁所入不償用閒少實多忙營營
事公私勞苦過即忘歲功已告畢蜡社聚一方酌酒宰

雞豚鼓腹坐山陽寧知朱門內晝夜羅酒漿貧富在所
遭苦樂難較量

表裘

移居峴山精舍

山寺悶精廬移居性所適寧知賓客稀漸與城市隔岡
巒何秀美蒼翠還日夕夏木密以陰幽鳥來几席開窗
見漁舟湖水清且碧焚香日晏坐遣興在篇籍余本迂
散人禪林亦靜僻茲焉遂吾好已矣思屏跡

題盧師陳所居五塢山房

吳邦表靈隩山水蘊清嘉
緬惟南橫勝玄邃誠難誇
飛泉懸白雲疊巘棲頽霞
連岡盡叢竹密塢多桃花
信美可以居僻性思移家
君家南橫側搜討窮幽遐
俯臨北麓峻曲抱南湖斜
丹房閔芝朮列墅羅桑麻
既寡徵稅憂兼無城市譁
茲樂寧外獎珪組亦何加


趙時春

尋秋

尋秋窮遠山山盡秋無限西日已含情萬里空在眼白
雲天外來晴風自舒卷野舍羣秀明川瀾雙涯淺余生
際無為長嘯發孤巖



御選明詩卷二十六



總校官庶吉士臣侍朝
校對官檢討臣蕭九成
謄錄監生臣傅瓌芳